



誌銘

金華縣君曹氏墓誌銘

夫人嫁王氏為侍御史諱平妻姓曹氏泉州晉江人祖
 諱穆殿中丞追封魏國公考諱會尚書刑部郎中集賢
 殿脩撰追封楚國公皆累贈太師中書令兼尚書令妣
 黃氏楚國太夫人未嫁承順父母盡孝道既嫁夫家貧
 養姑盡婦道輔其夫盡妻道夫死寓舍於穎以勤儉積
 日大其家以誘教不倦成其子又可謂盡母道也蓋其
 子五人回向固罔皆有學行回有道為儒宗向罔有
 有文三人皆身在隱約而聲震天下於是時夫人兄魯

公公亮實為宰相當國然夫人處里舍稱約未嘗以為
泰及其後回向同罔皆登世人以為難處夫人能自責
以理未嘗亂其志教養其孫至男有立女有歸庶事之
間嘗公告老以太傅侍中就第夫人少嘗公一歲食其
子祿皆居京師二人白首相顧怡然元豐元年春嘗公
薨四月丁卯夫人亦以疾終春秋七十有九夫人以夫
恩封金華縣君以魯公息賜冠帔子回忠武軍節度推
官知陳州南頓縣事向峽州硤石縣主簿固大名府軍
巡判官國子監主簿同陳州死立縣令罔蔡州新蔡縣
主簿安嫁太子右贊善大夫陳縶亡孫五人泌汾改所
陳州郊社齊郡故試將作監主簿夫人既卒之明年某

月某甲子葬之汝陰縣懷音州南高村村御史之
其將葬也回以狀未之銘惟夫人為子若婦若為妻母
皆盡其道於難陀流寄之中能立其家成就其子所以
自慶於通塞之際者無不當於理是其智術德性過人
遠甚宜得銘且余實與其子遊最情乃不辭而為銘曰
曾高之苗氏自鄆子或言厥志有稱國里或以孝顯於
經實紀或守所聞羞踐霸軌遙遠千載歷世有聞自荆
沮粵篤生夫人楚公之子魏公之孫魯公維伯御定是
始建立厥家自墜而與延教厥子自幼而成卷服韶冠
伯也在廷子也在幽碩實洪聲莫親已宗莫重夫氏兩
有其威在誰與媿維能既試維德莫守尚龍爾從列銘

壽安縣君錢氏墓誌銘

劉侯之任既翹翹退處層山之陽初無一畝之宅一廛之田而侯之貴器然樂若有所餘者豈獨侯之能以義自勝哉亦其妻能安於理不戚戚於貧賤有以相之也侯之晚有宅於彭蠡之上有田於西澗之濱子進於朝廷薦於鄉閭侯之夫婦康寧壽考自歸於山川之間白髮緜然躄不知駕乘之勞心不知機獲之畏世人之所慕者無嫌焉聖人之有所不能及者獨得也其夫婦如此可不謂賢哉熙寧九年侯之年七十有七哭其妻之喪自為狀次其妻之世出行事來乞銘

諱之曰夫人姓錢氏考內殿崇班穆祖考內閣使昭曾祖考宣德軍節度使同中書門下平章事湛高祖士越文穆王元璿夫人色莊氣仁言動不失繩墨居族人長幼親疎間盡其宜事夫能成其忠教子能成其孝是皆可傳者也夫人年七十有三卒於四月之庚子而葬於其歲某月某甲子墓在南康軍西城之某原切以凝之恩封壽光縣君再以子愬恩封壽安縣君有子曰愬祕書丞曰格鄉貢進士皆以文學顯於世文嫁進士徐彥伯太子中允黃蘆孫某某凝之名換筠州某人今為尚書屯田員外郎致仕銘曰士不苟合安於賤負其難其豫歸德有人雖不終喪又

壽以康有續孔辰既廢而戒世迫而求獨優以取世儒
以獨肆而有士也則然女實作輔考則錢媛尚配于
古

天長縣君黃氏墓誌銘

夫人姓黃氏福州福清縣人祖諱其考諱倫皆仕閩越
夫人嫁同縣林氏為殿中丞諱其之家婦尚書屯田員
外郎諱其之妻有子曰繁為太常博士集賢校理有孫
八人曰審宣州涇縣主簿編校集賢院書籍曰旦明州
象山縣令曰邵杭州南新縣令曰顏許列臨川縣令曰
楷曰雄未仕也其二人早卒有曾孫十有二人曰睿慮
震延慶曾孫其三人亦早卒夫人年七十有七治平

四年正月癸丑卒於京師之昭化坊累封嘉興天長
縣君始殿中府君與其配福清縣太君鄭氏皆春煇高
安其鄉里不肯出屯田府君乃從事漢書泉州黃化軍
踰二十年終養而後去夫人能盡其力如飲食衣服以
進及喪能盡其哀皆如其夫之志其子既就學夫人常
夜治絲枲居其旁以勉之至其後其子以天學卒天
下既而其子不克壽屯田府君亦卒于官諱孫皆幼夫
人已老矣乃柶吳郡片善馨珥以經理其家終蓄誼聚
至有田以食有宅以居平居日夜課諸孫以學有不中
程輒朴之及長遂多知名連以進士中其科涇縣復校
書集賢世其父職夫人乃頌諸孫謂曰吾始得事祖姑

今得弄曾孫遂保有汝家起于既墜吾老且死不恨矣
涇縣既服夫人之喪以其掖婦吳郡寶華山某年某月
某日附屯田府君之兆而屬余銘銘曰

女職在宮行止于柔扶微棟阨則匪我謀勢有孔棘義
不得寧任重丁已振壞為輿我儲我積乃績烝嘗我字
我飭乃襲印章蒼顏秀眉燕其作止其燕伊何維終受
社莫仁且智壽濟登茲播告無極視此銘辭

仁壽縣太君吳氏墓誌銘

仁壽縣太君撫州金谿吳氏尚書都官員外郎贈尚書
刑部侍郎撫州臨川王公諱益之夫人衛尉寺丞諱用
之之婦年六十有大嘉祐八年八月辛巳卒于京師十

月乙酉葬于江寧府之蔣山夫人好學強記老而不倦
其取舍是非有人所不能及者然好問自下於事未嘗
有所專也其平生養舅姑甚孝蓋侍郎七子而少子五
人吳氏出也然夫人之愛其長子甚於少子曰吾愛之
甚於吾子然後家人愛之能不異於吾子也故其子孫
已壯大有不知為異母者居久之二長子前死夫人已
老矣每遇其嬖婦異甚而身為字其孤兒忘其力之憊
也其處內外親疎之際一主於恩有謗訕踞罵已者教
困苦常置之不以動聲色亦未嘗有所含怒於後也有
以窮婦已者急或分衣食不為秋毫計惜以其故至不
能自給然亦未嘗不自若也其嫁三從之孤女如已女

而待長子之母族如已族善為行如此而天性之所有也其自奉養未嘗擇衣食其視世俗之好無足累心者方其隱約窮賈之時朝廷嘗選用其子堅讓至於數十或謂可強起之夫人曰此非吾所以教子也卒不徇之及慶顯矣其子嘗有婦志而以不足於養為憂夫人曰吾豈不安於命哉安於命者非有待於外也其子為知制誥故事其母得封郡太君夫人不許言故卒不及封此夫人之德見於行事之迹而余以通家故熟於耳目者也夫人之考諱岐岐之配黃氏兩人者皆有善行鄉里稱之而黃氏兼喜陰陽數術學故夫人亦通於其說七子者曰安仁安道安云安國安世安礼安上安仁宣

州司戶參軍安石尚書工部郎中知制誥安世太平州當塗縣主簿安禮大名府莘縣主簿餘未仕也女三長適尚書虞部員外郎沙縣張奎次適前衢州西安縣令天長朱明之次適揚州沈季長孫男九人曰雲專受旒旒防旂旂放孫女九人長適解州安邑縣主簿徐公翊次許嫁太廟齋郎吳安持餘尚幼銘曰嗟若人兮洵好善兮始終一德仁七子兮遺棄細故慕九族兮脫珥推食先惠施兮以義易利能無累兮縱心委命志彌邵兮謂宜百歲奄忽逝兮風有采蘋經所首兮原念美實輯此辭兮庶幾德音與古對兮

壽昌縣太君許氏墓誌銘

夫人許氏蘇州吳縣人考仲容太子洗馬兄洞名能文見國史夫人讀書知大意其兄所為文輒能成誦父母衣食服御待之而後安既嫁博行孝謹宜于其家其夫為吏有名稱夫人實相之及春秋高於內外屬為高貴○行而慈幼字微愈久彌篤故親疎懷附無有惡毀者先王之治必本之家達於天下而女子言動有史以昭勸戒後世以古為迂為政者治吏事而已女子之善既非世教所獎成其事實亦罕發聞於後其苟如此其衰微所以益甚則夫人之事其可使無傳也哉夫人嫁諸氏其夫諱周太常少卿贈尚書刑部侍郎其舅諱某贈兵部尚書杭州錢塘人夫人對六安縣君壽昌縣太君

八十有三熙寧元年八月丁巳卒於京師二年八月甲子合葬杭州錢塘縣龍車原子曰披國子博士有夏材曰括揚州司理參軍館閣校勘有文學其幼皆夫人所自教也女二人蚤卒銘曰生民之治又本于身教行于家餘以為人世弊俗偷愆于在已內替常度外彊于理淑惟壽昌孝與心成焉于孝慈匪勸而能有翼于夫有迪于子尚類古人其傳以此

德清縣君周氏墓誌銘

夫人姓周氏湖州長興人曾大父諱某大父諱某父諱某母同縣陳氏為秘書省著作佐郎諱某之妻為人柔

嫺靜莊在父母家至歸于夫氏本於自脩而卒於能孚
于屬人陳氏有以婦寡居當家事夫人常曲意下之於
事常退避不敢與以婦以其故頌夫人甚懽而親疎觀
者莫不悅著作有田數千畝而愛士好施夫人常悉力
助之以其故至不能自給而夫人處之自若遇子之未
已出者與已子無毫髮厚薄意人以為過人而夫人若
有所不及也享年三十有五封德清縣君子曰樞為尚
書屯田員外郎曰楷曰權未仕也卒於慶曆五年之二
月辛丑葬於熙寧三年之三月庚申其墓在長興縣永
昌鄉卞山之陽銘曰
嗟淑人体明德外惟均內自克不永年隕嬪則兆親宮

藏石刻

夫人周氏墓誌銘

夫人諱琬字東玉姓周氏父兄皆舉明經夫人獨喜圖
史好為文章日夜不倦如學士大夫從其舅邢起學為
詩既嫁無舅姑順夫慈子嚴饋祀諧屬人行其素學
皆應儀矩有詩七百篇其文靜而正柔而不屈約於言
而謹於禮者也昔先王之教非獨行於士大夫也蓋亦
有婦教焉故女子必有師傳言動必以禮養其德必以
樂歌其行勸其志與夫使之可以託微而見意必以詩
此非學不能故教成於內外而其俗易美其治易洽也
茲道廢若夫人之學出於天性而言行不失法度是可

賢也已其夫來乞銘子與之親且舊故為之序而銘之
蓋夫人之王父諱協為尚書刑部郎中父約今為尚書
虞部員外郎青州益都人也夫人嫁閔氏為徐州豐縣
令景仁之妻為尚書職方員外郎贈尚書都官郎中諱
魯之子婦生一男二女年二十有六卒於治平二年之
九月某甲子葬於杭州錢塘縣獲泰鄉葛松原實某年
某月某甲子閔氏錢塘人也銘曰

女有圖史傳于師氏其勸以樂其康以禮能此非他
學而已王政之興蓋自此始今孰登茲維周之媛學
自好終之不倦言循于矩行循于典尚配古人輝光日
遠

永安縣君謝氏墓誌銘

先故翰林寺丞王公諱用之之夫人尚書都官員外郎
贈尚書工部郎中諱益之母姓謝氏累封永安縣君其
卒皇祐五年之六月十四日其葬於撫州金谿縣某鄉
某原既卒之百有五十一日也其子曰益曰某皆已卒
曰某曰某曰孟楚州司理參軍亦已卒其孫曰安仁宣
州司戶參軍曰安道皆已卒曰安石殿中丞通判舒州
曰沈荆南府建寧縣令曰安國曰安禮其曾孫曰某曰
某曰某其墓工部故人之子曾鞏誌之曰王氏由工部
之叔父尚書主客郎中贈太常少卿諱觀之始起家為
能吏遂追榮其父諱某為尚書職方員外郎至于工部
父子遂皆進于朝為聞人其世浸大夫人及葬其男與

夫之樂而享其子與孫之祿其壽至于九十其平於撫
州之臨川安於其寢余既與夫人之諸孫遊而嘗得拜
於堂上見其色和其容謹聞其言儉而勤退而聞其為
婦順為母慈知其所以享其福祿者其宜也已 余觀
詩人之歌其后妃至于諸侯大夫之妻內備法度輔佐
其夫而其効之見則克肖之人至于江漢汝墳之婦女
皆承其化而篤於禮余固歎其當是之時上下之間內
外相飭何其至也如夫人之資而使出於其時則又有
歌於風而被之于無窮之事若余之鄙其亦曷能知其
所至也哉謝氏之祖曰其考曰其銘曰
士顯其施其行易知女處于私其有執窺嚴嚴秀眉不

見缺虧曷以長之跡此銘辭

永安縣君李氏墓誌

夫人姓李氏其先燕人而今家許州之長葛贈太子太
傅諱譚之曾孫贈禮部尚書諱運之孫贈刑部尚書諱
昌言之女而母晉平縣君聶氏也夫人嫁駱氏駱氏亦
家許州之長葛其夫諱與京為某官檢校某官知某州
享年七十有九封衆安縣君有子男四人長吉逢吉元
吉皆三班奉職早卒嘉福今為右班殿直女三人亦早
卒夫人以嘉祐八年十一月丙辰卒于其家之正寢而
以熙寧二年十月葬於許州長杜之舞鸞鄉白兔里柩
駱侯之瑩夫人仁孝慈懇言動必擇義理事父母不違

其教事舅姑不違其志事夫順而有以相其善遇子至
于內外屬人一以恩而不違於禮初刑部之兄昌齡當
太宗真宗時輔朝政季氏族大而貴然刑部嫁女常擇
寒士而至其後多為名臣范文正公仲淹鄭文肅公或
與駱焱是也夫人之弟光祿少卿禹卿余妻父也寔葬
夫人故屬余銘銘曰

性有能否行有失得一當於理士有不克叔哉夫人秉
是靈彝周旋大小無過無虧貴不稱德壽則謂遐維歲
在許末裕厥家

試秘書省校書郎李君墓誌銘

君諱廷字明遠姓李氏為人孝友慈恕讀書務大旨主

五代之際再試明經不合退居楚丘有田百餘頃皆推
與其族人獨留五頃而已曰無令子孫以財自累也宋
初秘書監彭君薦其行義詔以為試秘書省校書郎而
君終不肯強起淳化三年壬辰九月二十一日以疾卒
于家享年八十有四維李氏遠出於皋陶而後李耳
之孫曇為秦司徒曇子璣璣子牧事趙始家趙郡牧子
汨汨子左車於趙號廣武君廣武君子遂涿郡太守遂
子岳諫議大夫岳子秉潁川太守又徙家潁川秉七世
子膺河南尹膺子瑾復家趙瑾曾孫楷晉治書侍御史
有子五人曰輯是芬勁獻以所居巷東西自別故勁稱
西祖勁子隆後魏阜城令隆後九世棲筠唐御史大夫

贊皇文獻公文獻公子吉甫相憲宗吉甫子德脩楚州刺史德裕相文宗武宗楚州子煜宋州宋城令君曾祖也又徙家宋之楚丘故今為楚丘人宋城子確萊州膠水令君祖也膠水子譚磁州邯鄲令君考也邯鄲之少子運為太常少卿有子曰昌齡太宗真宗時為尚書戶部侍郎參知政事故膠水贈太子少保邯鄲贈太子少傅君娶丁氏王氏王氏有子曰昌震為建州松溪令贈尚書駕部郎中駕部有子曰漢卿今為諸王府侍講尚書虞部員外郎虞部有子曰彥龍彥龍復有子四人矣君卒後七十四年治平三年丙午四月某甲子虞部葬君於開封府開封縣保安鄉永寧里之原以王夫人從

銘曰不累於物全吾質兮不羈於世遂吾志兮作宅新原維孝孫兮納銘幽裔永淑聲兮

試秘書省校書郎李君妻太原王氏墓誌銘

夫人姓王氏太原人嫁趙郡李氏為磁州邯鄲令贈太子少傅諱譚之家婦試秘書省校書郎諱迂之妻為人明識強記博覽圖籍子孫受學皆自為先生其行仁孝慈恕始於為女中於為婦終於為母無不盡其道享年八十大中祥符三年庚戌十二月己巳卒於魏州盧氏縣其子之官合子曰昌震建州松溪令贈尚書駕部郎中駕部子曰漢卿今為諸王府侍講尚書虞部員外郎虞部嘗為李氏九世譜其博而詳多夫人之所為言也

治平三年丙午四月丁酉虞部以夫人之喪校書君
葬於開封府開封縣保安鄉永寧里之原銘曰

嗚呼夫人既有其質又賜爾力古有遺辭罔不采獲克
踐以躬亦畀爾息維瘞有銘尚以載德

池州貴池縣主簿沈君夫人元氏墓誌銘

夫人姓元氏錢塘人祖諱德昭事吳越國王錢氏宋興
贈太保考諱好文尚書比部員外郎贈某官嫁吳興沈
氏其舅為尚書屯田郎中諱某一作其夫為池州貴池
縣主簿諱播夫人在父母家內外上下親疎長幼皆宜
之年十有七而嫁既嫁如在父母家時貴池君早喪無
兄弟大夫人春秋高諸子尚幼夫人年三十餘於壽終

獨之中閨門事姑能盡其孝教養諸子至其後皆為

材能世其先人方其憂戚難阨之時人恐其不能堪

人既奮厲經理以保有其家又退能自安不亂其志

人之所難而其後世之不可以無述者也夫人年七

以治平二年某月某日卒卒之若干日葬真州揚子

甘泉鄉三城里北山之原子男四人皆進士曰伯恭

亦仕曰季長越州司法參軍曰林通秘書省著作佐郎

曰次通試將作監主簿貴池君於先人為同年友而諸

子又與余遊故為銘銘曰

元出於危於東得姓有保有保重世之威允淑夫人集

享家慶來墳沈宗作德維令慶平不憂在險能正姑曰

徵婦余老誰據子曰微母余勿誰怙自振單弱平持艱
急老肆而安勿強以立實保防宗自替而昌有利如此
何愧不嘗後世原美孰可無述刻辭幽宮庶幾不沒

雙君夫人邢氏墓誌銘

夫人邢氏無為軍巢人也嫁為贈大理寺丞廷雙氏諱
華之妻封萬年縣太君子男三人曰漸為尚書屯田員
外郎通判吉州軍州事餘未名皆早夭夫人年八十有
六嘉祐四年九月二十七日卒於宣州之官舍六年十
二月二十七日葬于無為軍巢縣無為鄉惲良里之原
方大理府君之在隱幼屯田始就書學夫人能經理其
家使無內憂以卒枕其志及屯田有列於朝夫人食其

報天之施與善人豈非信哉夫
人之在疾也屯田之長壽縣君陳氏共養營救有過
人之行州上其事天子聞而嘉之勅州使致粟帛賜其
家於是人知夫人之美不獨能成其子又能化其家也

銘曰

允淑夫人秉是靈爨百鍊成服維麗美之葬有卜窆其
言在斯推求美實斯此銘辭

旌德縣太君薛氏墓誌銘

夫人姓薛氏累封旌德縣太君為故太子右清道率府
副率致仕贈右監門衛將軍姓段氏諱某之妻今提點
江南東路刑獄公事禮賓副使名某之母某州某縣人

也大父諱某當吳越錢忠懿王時娶王女為主國官父
諱某祥符初為東頭供奉官供奉常將屯宮門而監門
之父右班殿直諱某者屯三陽二人者以意氣喜相得
也遂以夫人歸段氏夫人性柔淑能和其屬人自服
瑯琊凡資已者常出於檢而有餘好施錫蓋費不以為
官也生男一人禮賓也女二人長適開封黃恩間次適
吳郡儲孝孫皆進士夫人年四十有三大中祥符七年
五月某甲子以疾卒於京師之敦教坊某年某月某甲
子附其夫人柩葬於某州之某縣某鄉某所之原前葬
禮賓稱夫人之行與其世序封號之詳託銘於南豐曾
公為述而銘之曰約乎已厚乎人發其積在於孫禱古

雜列封君碣石塚銘文

永興尉章佑妻夫人張氏墓誌銘

夫人姓張氏建安人父諱士龍舉進士嫁同郡章氏為
永興尉佑之妻所出三男四女曰造造述皆舉進士造
及第為清海軍節度掌書記女嫁俞瑾徐立之隙震亦
皆舉進士其一蚤死初永興府君起家二十日止於為
尉及死三男尚幼造既起又蚤死已而造亦死夫人雖
能忘其貧所以使其夫能屈於小官而說維能務其生
所以使其子能安於幼孺而成維能順其性所以君而
離顛頓之間而不為悲哀愁憂亂其志也其為人早極
於順其為人尊極於慈推於其疏宗遠屬之間極於愛

男之有不能葬者為葬之女之有不能嫁者為嫁之志其力之匱而為之也此皆古今學士儒者所難而女子之善能如此此非可銘者欽嘉祐二年十一月三十日卒於洪州之私第即以其年十二月十八日葬于洪州某州之某鄉其原銘曰
彼以吾窮我以吾仁二者皆天吾樂而因壽止七十豈不得年維其有之愈遠亦傳

福昌縣君傅氏墓誌銘

福昌縣君姓傅氏會稽人尚書職方員外郎霖之女同郡尚書職方員外郎闕公魯之妻後闕公五年至和三年二月丙申卒于家年六十有四子男八人景榮景元

景仁希聲杞景山曰京宣景良女一人景華嫁著作佐郎史叔軻福昌君在豕為父母所器異既嫁而夫屬無退言布衣惡食身治細微故闕公之祿及其疏昆弟姊妹之孤其事關公正以從其教子慈以肅闕公起進士為即為池台兩州年八十以歸日吾少得盡力于官而老得自休于家不以家事累吾志者以有夫人也八子學行脩立景芬希聲杞同時皆中進士夫人之卒景芬為江陰尉希聲寶應尉杞和州判官景元亦以父恩為廣德尉皆能其官景仁而下皆有聞於人宴受教於夫人也始闕公既貧而孤其仕與婚又皆後至其終有百口為大家福昌君維厚勤薄養所以經理其微維可否以

明行止以公善訓能使誠恕愛人所以使其家有節法以有其成也某月甲子從葬錢塘之某源其子來屬以銘景宣予妹婿也宜為銘其辭曰

關氏爰昔始如萌芽台州奮拔垂宴敷華進勤退佚不卹其家絲嬈有人作其內治孰致其休不懈于勤孰致其隆不簡于細高明純約坦坦其夷無怨無疵小大化之有容有則婦子順之公為朝老子宦以成象衣華鞅我止我行魏冠文笏我翼我承公曰微子誰據誰依子曰微母莫濟登茲云誰無母其孰無妻為妻為母如我誰亢生雖有止存也其長鳴鳴號告垂此銘章

沈氏夫人墓誌銘

夫人姓沈氏其先家于越之會稽曾祖仁諒令海州之朐山徙家于和州歷陽故今為歷陽人祖平贈尚書刑部侍郎父立今為右諫議大夫判都水監母馮氏濮陽縣君董氏仁壽郡君夫人年二十有二嫁揚州進士朱延之有子三人寅萬廣女五人尚勇夫人年四十有五卒於熙寧元年十一月之庚辰葬於某年某月之某甲子其墓在揚州天長之秦蘭里夫人為人柔閑靜專事父母盡子道事姑長興縣太君賈氏盡婦道事夫盡妻道為母及與內外屬人接一皆盡其道故其愛也愛於其家其嫁也夫之屬人上下遠近皆愛之而其歿也哭之者皆哀是不宜無銘而朱君余勇也屬余銘銘曰

媛維沈女純德以身柔順靜簡一作享于屬人維祉在後有子誥誥頌詩告美愈遠彌新

壽安縣太君張氏墓誌銘

夫人姓張氏濟州鉅野人嫁為同郡尚書駕部員外郎贈開府儀同三司吏部尚書晁公諱遵之夫人而為贈太傅諱佺之子婦有子男四人曰宗曜進士曰宗恪光祿少卿曰宗愿真州軍事推官曰宗懿尚書司門員外郎女一人嫁進士桑况夫人初封清河縣君累封清河壽安縣太君年八十有七卒於熙寧二年之十一月某甲子葬於某年之某月某甲子其墓在開封府祥符縣旌孝鄉合儀同之兆卒時子宗曜宗愿皆已死既而光祿居喪以疾亦死而諸孫男女凡三十人男多以仕功多已嫁矣夫人為人仁厚莊靜自為女及既嫁處內心親尊卑長幼親疎之祭無不當於禮而恩稱之其長子皆以為為善事我而平居為等夷及少者莫不頌以為婦也雖老未嘗懈而雖疾未嘗有惰容維其初終受養於封既壽而康實備成福可謂盛矣余之亡妻於夫人之孫女為第三而光祿之長女也知夫人之行為尤詳故為之銘曰

女婉張氏處躬以厚來嬪晁宗太傅維身儀同維夫卿士維子有孫誥誥亦紹厥美累封備養維康以壽德則既成福亦多有納詩新截尚告爾後

元豐類藁卷四十六

九世孫文受重刊

誌銘

亡兄墓誌銘

君姓曾氏諱畢字叔茂有智策能辨說其貫穿反復人莫有能屈之者身窮為生事或毛密應之無留而讀書理筆墨交賓客又思事未至當何如亦不廢也歡愉憂悲疾病行役寢食之間書未嘗去目故自上古以來至今聖賢百氏騷人材士之作訓教警戒辨議識述下至浮夸詭異之文章莫不皆熟而於治亂興亡得失是非之際莫不能議為其文章尤宏贍瓌麗可喜三代遠矣漢以來世有成事業就功名之時則賢臣謀士材技之

人同世並出常若有餘至時或無所用之則士雖徃性
有紀而亦不俱見於世蓋墮窮頓委於巖墻閭巷之中
者豈少哉如君之材知辨博又其學如此使得用其意
於事其施設必有異焉然卒不克見於世蓋亦豈非其
命也夫君年四十有五皇祐五年以進士試於廷不中
得疾歸卒江州祖諱某尚書戶部郎中贈右諫議大夫
考諱某故太常博士娶李氏子曰覺曰覺女二人卒之
歲十二月某日築建昌軍南豐縣之某鄉某原某里也
弟鞏為其銘曰

世或須人中士為材有非其應聖不能諧故君之學於
已為足而材與世或乖刻銘絜石維以告哀

故高郵主簿朱君墓誌銘

君諱某字齊卿姓朱氏其先名家于彭城五代之亂徙
淮南今為淮南人曾祖某不仕祖某贈刑部尚書父某
贈殿中丞君嘗試于秘書省校書郎蘇州之長洲尉高
郵軍之高郵主簿以卒卒時乾興元年六月十九日也
後卒之若干年其子象之東之升之延之奉君之喪葬
天長縣之秦蘭里於是時象之某官東之某官以材名
餘皆為士某官以書命鞏曰子其為我銘之而以狀言
公之為人有智計喜施與少從師學問已而捨學業其
家家之食口數百仰於君君能資之皆出乎衣食嫁娶
皆有餘法殿中之弟工部侍郎吳初舉進士數困欲不

復往君勸之曰第行無以廢為念故侍郎得曲就其志至為達官大其家後卒官君既居官以材稱其為身務於廉臨獄訟務為恕母某氏旌德縣大君娶耿氏又娶賈氏女歸太常博士吳祥柳州馬平知縣陳許池州推官李樞其季歸于曾氏某之先君博士也舅氏寔命鞏銘其敢辭銘曰

江都縣主簿王君夫人曾氏墓誌

試校書郎揚州江都縣主簿王無咎妻曾氏建昌南豐人先君博士第二女也孝愛聰明能讀書言古今知婦

人法度之事巧鍼黹刀尺經手皆絕倫先君選其婿於里中以歸王氏王氏家故貧曾氏為冢婦而其姑蚤世獨任家政能精力躬勞苦理細微隨先後緩急為持各各條序有事於時節朝夕共賓祭奉養撫其門內皆不失所時將以茶嚴誠順能得其屬人其舅喜曰吾不以家為卹矣其夫歎曰我能一意自肆於官學不以為累其志曾氏助我也生二女年三十有三嘉祐四年五月三日以疾卒十二月葬建昌南城曾大考尚書水部員外郎諱仁旺大考右諫議大夫諱致堯先君太常博士諱易占將葬江都告其兄輩使誌其墓天乎吾哭也姊姑踰暮又哭吾妹而誌之其可哀也已其可哀也已

鄆州平陰縣主簿閔君妻曾氏墓表

鄆州平陰縣主簿閔君景暉妻姓曾氏建昌南豐人尚書水部員外郎諱某之曾孫尚書戶部郎中直史館曾右諫議大夫諱某之孫太常博士諱某之女而暉之長姝也始吾姝為兒時育於祖夫人已不好戲弄及長喜讀書於女工之事不敏而自能為人進退容止皆有法度人罕見其喜愠之色內外屬皆嚴重之性儉素於紛華盛麗之際無所好其在父母及夫之家或蔬食不給處之晏然其推之於人雖資身之物不為秋毫顧惜也其治女事尤勤雖勞不厭治家人之業雖煩細皆有條理養父母姑舅皆至孝姑久疾晝夜候省未嘗頃息

去其側藥食非親調不以進其於內外屬親疏皆盡是意人皆以謂宜富貴壽考而卒不得至其所宜有嗚呼其豈非命也歟嘉祐二年畫輿二弟得進士第南歸而吾姝從景暉視余於淮南至真州得疾七月某日卒於余之舟中年三十有二矣有女一人曰某始五歲景暉以其喪歸六年十月丁酉葬於杭州錢塘縣履泰鄉龍井原景暉之王考諱某考諱某皆尚書職方員外郎而越之山陰人也吾姝既歿之六年景暉得進士第於是時余於史館書籍皆會京師而余於其間再哭姝又哭女與哭妻憂患之接於余者可謂多矣景暉之始葬吾姝也哭請銘不及余與之皆恨焉而其會京師以

歸也乃為之書吾妹之事以遺之而使表之於其墓上
故太常博士吳君墓碣

君諱祥字某始吳氏事宋為太常博士年六十二某年
某月某日以官卒于家卒之若干日葬真州揚子縣之
某鄉某原初君從進士試屢不中年四十餘始中第為
吉州軍事推官歸以選為開封府開封縣丞大臣稱其
材遂為祕書省著作佐郎知考城縣又知河中府之龍
門縣再選為博士知蘄州之蘄才縣父喪除朝京師疾
作遂求歸真州真州君家也初君之屢斥於進士也既
自力學問充其業又卒其弟務刻苦養其親入其門內
專安其卑卑慕其學一時皆稱之及從事於吉州弟已

死君夫婦痛自節衣食遂^以嫁其孤女若干人皆不失
所時其在開封衣食常不自足而親戚舊故之至京師
者多以君為歸其喪父也以家之有無葬故葬不緩親
戚或憂其貧欲出錢為基址謂君一強可以取其贏君
歎曰吾不敏既位於朝貧吾素也喪乃欲為利乎平居
恂恂不與犯者校及其自守人亦不能移也官歸常僦
屋以居既卒幾不能葬曾大父某大父某父某以君之
恩為大理評事妣某氏某縣太君太君之喪君致其哀
有過人者妻朱氏某縣君余姨也有助於君子曰某女
嫁亳州觀察推官張天經既葬某為碣於墓而與天經
來乞銘於鞏天經以材名人皆曰其尚能存君之家者

銘曰

維吾先君太王之嫡禪聖圖民於東甯跡其後孔蕃以國為氏君紹厥宗其德則類儉著于家勤著于身不苟其羸卒死於貧維時之人命二大夫縞冠素蓋爭利於塗曾不君慕顧或笑之非彼可議維世足歎較于銘章君有則多以遺其孥非厚于如何

知處州青田縣朱君夫人戴氏墓誌銘

知處州青田縣事天長朱君諱某之夫人曰高郵戴氏年七十有七治平元年九月庚午以疾卒于楚州監倉之官舍某年某月某甲子葬于天長之某鄉某原夫人之考諱奎娶徐氏女夫婦皆有善行聞於其鄉夫人受

教於始笄從事於既嫁少而行脩於身老而教行於家故父母曰不遺吾憂舅姑曰能順吾志夫受其助子賴以成其平居深靜有儀法不安笑言就之色莊而氣仁居貧自薄衣食而厚於施與屬人之孤女為收嫁者蓋二人云既老矣女事不廢而婦容益恭雖少者有不及也有子四人曰某曰某曰某早卒某某州錄事參軍監楚州裝卸米倉某衢州西安縣令皆及進士第好古而有文夫人於某外叔祖母也故舅氏屬以銘銘曰淑哉戴氏青田之助允直且仁蓄德于身為下肅祗為上惠慈安意處貧薄已裕人其承有子以文起仕秀髮垂領享有多慶卜壤之良乃地新堂刻此幽文美寔長

存

亡姪韶州軍事判官墓誌銘用石本校

覺姓曾氏吾兄之子也吾先人六子吾兄諱暉為家長
 有材而不試以死覺自少則勵志力學問知道理善於
 屬文及長慨然莫有為於世不肯碌碌為人恭謹循循
 寡言治平二年及進士第為吉州司法參軍有能吏名
 用薦者為韶州軍事判官行至虔州得疾卒於驛舍熙
 寧二年十一月己丑日也年三十有七覺字道濟建昌
 軍南豐人高皇考諱致堯太常博士曾皇考諱易占尚書
 戶部郎中直史館贈右諫議大夫覺母李氏妻鄧氏夏
 氏范氏有子修偃熙寧四年八月壬申葬于南豐龍池

鄉之源頭吾哀其若將有成也而止於斯故為銘其墓

曰
 德系則厚方濟而隕材引則進未試而泯志一不獲遂
 云非閉墓石有文尚永來信

光祿少卿晁公墓誌銘

公姓晁氏其家先濟州之鉅野今為開封祥符人皇考
 諱遠尚書駕部員外郎贈開府儀同三司吏部尚書皇
 祖佺贈文傳皇曾祖諱憲贈某官公諱宗格字世恭少
 以世父太子少保贈某官諡文元諱迥息補將作監
 十四遷至光祿少卿歷監軍州應天府酒稅知蘇州之
 常與婺州之蘭溪縣事通判安州杭州事知通州虔州

吳縣廣南東路刑獄公事又知信州泉州享年六十有
三應寧二年某月某甲子卒于官四年某月某甲子與
其夫人某縣君閻立氏合葬于杭州江都縣之廣陵鄉
公為人樂易慈恕寡言笑人不見其喜怒遇事果於有
為人亦罕能及者其為常熟修學校理溝防人賴其利
高蜀溪繩姦宇窮境內和洽通判安州安州政待公而
決通判杭州州將矜己自舉上下莫能變公徐與之論
可否語平而氣和將畏且從也錄是上下倚公以治至
今杭人稱之其為虔州州近盜多盜與訟公至修弛廢
警盜疆威信盛行盜不萌發而獄無繫囚及在廣南其
用法常寬而欲人自進曰治之有先後緩急者謂此也其

視部吏孜孜恐失一善而惡人亦莫敢犯公法其為通
判如廣南為信州泉州如虔州所至人皆安公之政而
去常思之蓋公之行已居官而見於事者如此而其大
抵則於仁厚最隆也母張氏壽安縣太君子男二人曰
仲景海州司理參軍曰仲孺試將作監主簿慈孝三人
曰端復曰端儼皆太廟齋郎曰某未仕也女二人長適
太常博士集賢校理曾鞏銘公墓者也次適某官劉某
某官高元振某官燕若濟今存惟燕氏婦餘早世閻立
夫人為身治家皆應儀度卒於公歿之明年某月某甲
子公歿家無餘財而仲景仲孺皆謹厚自刻屢謚世其
先人於是又知公之教行於其家也銘曰

是世來而大有文元有卿有公繼屬綿綿曰卿謂誰時
維光祿作其德音先于外服其光伊何有善自身匪飾
匪雖璞玉之絃治有息威時其張弛彼畏此懷吾寧一
理于處于泉于嶺之南里安戶獲用有不咸宜壽而昌
胡不百歲尚茲介祉維後之成

夫人曾氏墓誌銘

天人吾從女兄也姓曾氏沈靜謹約不妄笑言遇人一
以懇於其內外屬之間孝友慈順無不當於理故與之
處者皆愛哭其死者皆哀嗚呼為女如是足以知其賢
又足以知吾之祖考以來教行於其家也夫人考諱某
皇考諱某尚書戶部郎中百史館贈右諫議大夫曾王

考諱某尚書水部員外郎建昌軍中豐人夫人嫁為同
縣朱君某之妻有子曰某曰某賦以文行稱於鄉有孫
曰京曰彥京為真州司法參軍亮也如教授夫人事年若
干某年某月某甲子卒于寢某年某月某甲子葬于南
豐之某鄉某原將葬賦以書來請銘余曰銘莫如余官
為題為其辭曰

女德在幽而始人倫詩有顯揚以立生民尚類于古淑
為夫人壺有彝則仔有以身曾不蕃寵卑其子孫曾不
遐年善則長存維仲薦美列辭本門

大長朱君墓誌銘

君姓朱氏諱延之字某其先彭城人今家於揚州之天

長慶曾祖某贈尚書左僕射祖某贈尚書工部侍郎考
某贈太子中舍母賈氏某縣太君君年若干卒于熙寧
六年六月之丙申葬於某年某月之某甲子其墓在天
長之同人鄉秦蘭里君聰明敏悟少力學問為文章數
就進士試不合乃嘆曰與其屈於人孰若肆吾志哉因
不復言仕方是時朱氏世以仕宦顯於淮南君居其家
尤孝謹慈良然與人非其意不肯苟合既果於自為而
其治見於家者規畫纖悉備具推之知其可任以事然
卒於無所遇君亦未嘗不自得也君少孤養母母之父
死歲久其喪寓於遠貧不能歸也君居窮經營卒能使
之返葬及晚而饒財又能樂賑施人以此多君也君娶

沈氏諫議大夫之之女早卒再娶王氏殿中丞昂臣之
女子男四人寅萬廣高皆有學二女五人許嫁進士滿
希遠太廟齋郎馬其餘尚幼君公亦舅也故為之銘其墓
其辭曰

勢不云泰志則非也彼較之丹豈易吾仁廩有餘粟及
里與隣藏有圖書遺其子孫已則無憾尚畀後人識美
岳堂曰遠彌新

秘書省著作佐郎致仕曾君墓誌銘

君姓曾氏諱庠字明升建昌軍南豐縣人曾祖諱某尚
書水部員外郎祖諱某尚書戶部郎中直史館贈右諫
議大夫考諱某舒州軍事推官君進士及第歷邵州司

理參軍用薦者為衡州常寧縣令福州福清縣丞以疾
自陳遷秘書省著作佐郎致仕卒於熙寧九年十月某
甲子年五十有九以其年十一月某甲子葬南豐龍池
鄉之原頭母吳氏妻黃氏朱氏有子曰擴曰某曰某女
四人君少孤自感勵好學能文章為人聰明敏達喜事
有六志不肯少屈為吏以材稱治獄能盡其情為令丞
易敬興壞綱紀具修吏不敢犯而民安之也有聲顯聞
薦者自許得人不幸不壽不克盡其用將葬擴來告曰
願有紀也迺為其銘曰
發其華身於文收其寔見於事于其小綽有聞于其卓
屈不試尚不終懈後昆矢以辭列紈紈

亡妻宜興縣君文柔晁氏墓誌銘

文柔姓晁氏諱德儀字文柔年十有八嫁余余時苦貧
食口糞文柔食菲衣敝自若也事姑遇內外為人無言
少遠近各盡其意仁孝慈恕人有所不能及於御珥交
服親屬人所無輒推與之不持已足於燕私未嘗見其
情容於與人君未嘗見其喜愠折意降色約已以法度
學士大夫有所不能也為人聰明於事迎見立解無不
盡其理其際可見者如此蓋天畀之德而天其年遺以
相余而奪之蚤余不知其所以而又不自知其哭之之
當也文柔以嘉祐七年二月甲子卒于京師年二十有
六余時校史館書熙寧四年詔封宜興縣君十年二月

庚申葬于建昌軍南豐縣龍池鄉之源頭余時為洪州
文柔有子男曰綰太廟齋郎曰綜未仕也女慶老三歲
而死是氏世家澧州清豐縣今為開封府祥符縣人文
柔曾祖仝贈太師中書令祖遵尚書駕部員外郎贈開
府儀同三司吏部尚書考宗格光祿少卿余南豐曾祖
子固也銘曰
人孰不貴子逢其窮世誰不壽子罹其凶維德日躋生
不見其止維聲日遠歿不見其終子能自得藎者在人
遺以輔余曾不遠巡歲云具逝予志元新其孰昭之塚
此幽珉

七弟湘潭縣主簿丁湖墓誌銘

熙寧十年春子蒙恩子生葬其弟子湖於南豐維子湖
姓曾氏諱宰字子湖世魯人今家建昌軍之南豐子湖
少力學六藝百子史氏記鍾律地理傳注箋疏史籍文
字目覽口誦手抄日常數千言手抄書連榻累笥不能
容於其是非治亂之意既已通至於法制度數造物之
器解名釋象聲音訓詁纖息委曲貫穿旁羅無不極其
說且老未嘗易意其為文馳騁反復能傳其學為人實
直孝弟抑畏小心少年飲酒歌呼饒樂放縱之事未嘗
一接焉其學行如此於世用宜如何也然位不過主簿
壽止於四十七其亦可哀也夫子湖嘉祐六年進士及
第歷舒州司戶參軍潭州湘潭縣主簿所居官理其云

人思之其學於古者蓋未嘗或也育子經綬絕約女適
饒州軍惠判官曹唐弼次尚幼也嘗祖諱某尚書水部
員外郎祖諱某尚書戶部郎中直史館贈右諫議大夫
考諱某太常博士贈尚書都官員外郎先大夫吳氏
吳興郡太君今太夫人朱氏南昌郡太君妻張氏子
熙寧元年四月乙巳卒於鄉潭十年三月庚申葬於南
豐龍池鄉之源頭銘曰
好學不倦以及其詳力行不已亦蹈其常見於遺文章
袞之章含其淳德璞玉之良于然于潭非試其有方
而盡又奪其高而不施則既已矣潛而益明尚監于
此

曾氏女墓誌銘

先君太常博士贈尚書都官員外郎曾公之第八女
德耀字淑明生而慧淑於女工不學而能於孝愛天
也生二十歲許嫁大理寺丞王幾行有日矣嘉祐六年
九月戊寅以疾卒于京師熙寧十年三月壬申葬南豐
之源頭其兄輩為銘曰
孰訛爾質而化其成尚千萬年爾室之寧

二女墓誌銘

南豐曾氏葬其二女其父輩為誌曰予校書史館凡九
年喪女弟喪妻晁氏及二女余窮居京師無上下之交
而悲哀之數如此二女曰慶老吾妻晁氏出也生三歲

而天實嘉祐六年十一月壬申乃是時吾妻晁氏病已
幸慶老疾未作之夕省其母勉慰如成人中夕而疾作
遂不救蓋若與其母訣也曰興老吾繼室李氏出也卒
時始二歲實治平三年九月甲寅是時余方鎖宿景德
寺試國子監進士不得視其疾臨其死也二女生而值
予之窮多故其不幸又天以死所謂命非邪熙寧十年
予為洪州始以三月庚申瘞二女於南豐之源頭同穴
慶老在右興老在左是為誌

仙源縣君曾氏墓誌銘

吾妹十人其一蚤夭吾既孤而貧有妹九人皆未嫁大
懼失其時又懼不得其所歸賴先人道休婦之皆以時

所嫁之者皆良士謂宜皆壽而昌以延榮于父母家
也而十餘年間死者四人先人之盛德也吾妹之誌也
曾不章顯於世而天吾故不知夫與之之慟也諱梅孫
字淑文者吾之第九妹也嫁江都王氏為殿中丞贈尚
書屯田員外郎諱某之子婦殿中丞幾之妻封仙源縣
君為人柔嫻靜顯動止以儀度平居溫溫一言笑下妾
也與人群居自處者常取其後與人共衣食自與者常
取其薄王氏故貧茹衣菲食未嘗以為歉恭大慈小輔
其夫以義無不得其宜者不幸年三十有一以死有子
男二人曰某曰某女二人皆幼也曾氏其先嘗人今家
建昌軍之南豐吾妹為尚書戶部郎中直又館贈右諫

議大夫諱某之孫女之常博士贈尚書都官郎中諱某
之女卒於熙寧七年三月庚子葬於揚州江都縣東興
鄉元豐四年某月某日也銘曰
既報其生又不介之壽維萬于仁尚克臧厥後

元豐類藁卷之四十六

元豐類藁卷第四十七

碑

太子賓客致仕陳公神道碑銘

太子賓客致仕陳公既葬其孤聃與其宗親屬人謀曰
公歿所以原大追功既有大史之狀幽宅之銘維墓道
有碑可以明著公之休德遺澤章眎萬世以假寵陳氏
之子孫於無窮而其辭未立於誼謂何迺相與來請於
余余辭不能既不獲迺論具公胄出位序行治之寔以
為碑辭而屬之以銘其辭曰惟陳氏其先虞舜之後封
於陳春秋時陳滅入楚其子孫以國為氏世為顯姓見
於記錄至公之先始家南康軍之星子至公又家江州

之德化曰知

公曾祖考也曰彥璩公祖考也曰

累贈禮部尚書俊公考也公諱吳字公順祥符八年進士及第歷常州團練推官盜有棄財走者公以謂不應死通判不肯用公言是時公起家少年及遇事堅爭不可奪其守老吏皆驚盜卒不得死以尚書憂去位服除補武安軍節度推官侍御史李偕守武安事倚公決州賴以治轉運使陳從易以公為材獄有久不決者皆屬公治之凡治二十四獄人皆服其平以皇妣嘉興郡太君馮氏憂去位服除補岳州軍事判官舉監潭州茶米倉天聖初潭州茶課視景德虧十之六公謹於繩吏而果於去民之所素不便者茶視舊課歲增九百萬斤用

薦者改秘書省著作郎知吉州廬陵縣廬陵人喜鬪訟械繫常克縣庭公除其害政者人心大變月餘圜空虛而人自得田里之間樞密副使姜遵嘗為廬陵民使之至是有前姜後陳之謬移知資州資陽縣遷秘書丞用薦者通判戎州州將武人以州任屬公民夷悅附政以大和遷太常博士尚書屯田員外郎通判潭州溪洞諸蠻犯約知州事劉夔劉沆繼出行邊公實檢州任內脩民事外奉師費凡輸粟帛金錢四十有八萬兵械稱之用足於軍而賦役不加於民沆及荆南王居白岳州滕宗亮與湖南北部使凡十有二人請即用公為轉運判官會轉運判官廢故不行遷都官員外郎知撫州

恩信行部中奸彊褻服貧細得其職遷職方負外郎明
堂恩遷屯田郎中賜服金紫去知安州以寬靜順其俗
教民通溝洫趨農桑遷都官郎中知蜀州大興學校遷
職方郎中太常少卿知蘄州居半歲以目疾請老遷光
祿卿致仕始家江州英宗即位遷秘書監今上即位遷
大子賓客公少長間巷能自感發彊志力學為進士一
出遂拔其科為吏明悟敏捷見義敢為不少屈以求合
善之事於州郡父之不進而其志彌厲其治於惡人無
所貸至其過失則無所不容而於善人惟恐失其所也
遇人豁然不為畦疇於其所長未嘗不薦藉成就之於
其急難與貧不能自存者未嘗不賑而助之公既好學
至於聲音星曆之伎無所不知及退而自休日有晚遇
長書省遇賓官朝寵則日躋身焉逍遙世很而爭公裕
有之世儒而持公恬處之公有賓事鼓瑟吹竽公退燕
私左詩右書年則大耄氣蓋坐人笑談待終曾不頻呻
有歸墓隧豐碑螭首勒辭告休尚慰爾後

秘書少監贈吏部尚書陳公神道碑銘

祥符九年九月甲辰秘書少監知廣州陳公卒于位以
聞天子官其二子以惻寵其家天聖中今天子脩先帝
功臣記之于史而太史考公之謀議勞烈於朝訪公之
世族州里官次行治之本末於家以書于冊已又有詔
次其功著之令典布之天下曰維所以寵嘉陳氏之子

孫者其世世無絕嘉祐三年公子三人謀曰吾先人之
所既立記德之史藏于有司襄公之詔傳于天下維墓
有碑後嗣所以載吾先人之休聲美寔而久廢不立懼無
以飭其子孫于千萬世以為已羞則相與來乞銘文
以刻於石其敘曰維陳氏其先遠出於舜至周武王之
時陳為舜後媯滿之封國至春秋之際楚滅陳而子孫
之散亡者因為氏姓其後居長葛者出於漢太丘令實
之後唐之晚長葛之陳氏徙南劔州之沙縣公諱世卿
字光遠南劔州沙縣人也曾太父杲大父昂父文餘公
貴贈其父尚書駕部員外郎公為兒時書木葉為詩其
父見之大驚遂始學書以篤志聞於人中雍熙二年進

士為衡州軍事推官改靜安軍節度推官王小波李順
盜蜀州縣多不能保東圍靜安公應變為箭筈兵械城
守之具百餘萬約其屬分城守之圍既久不解分城者
疑懼意懈出語動公公以義譙數勉之而間謂州長張
雍曰此屬留之則潰人心縱之使求外兵則兩全雍聽
其言盜數萬人圍靜安八十日公奮勵距敵射其裨將
一人應手死又射至數百人無不輒死盜以故不可迫
而外兵來救乃卒解靜安之圍事聞即其軍以公為掌
書記父喪不許去官自宋興小吏勢盜起往往轉掠數
百千里吏輒棄城走及公之保靜安則若吏力皆可以
有為者然公之於此時蓋亦以無為有以少勝衆此材

智烈丈夫之所為小拘常見之人亦安能責其此出哉
公在靜安七年還為祕書郎真宗即位召公欲以補御
史而張鑑守廣州乞公自助乃以公與鑑累遷尚書度
支員外郎賜緋衣銀魚歷河南府新安縣通判廣州知
建州改福建詔轉運使又改兩浙入判三司勾院復為
荆湖北路轉運使澧州諸蠻奪澧旁地耕守數縱矢入
盜積十餘歲莫能却公至諸蠻畏悅皆還就溪洞而歸
故所掠地與人公因築武陵澧州二塞以備蠻詔書嘉
獎公去久之而後吏不能善蠻蠻亦輒復入盜天子問
公前所以服蠻者何為而今將治之者何出公具對而
判其彙世故莫知其何術也公在荆湖歲餘擢為祕書

少監知廣州賜金紫服至則罷計口澧南鹽人以休息海
外國來獻多人徒以食縣官而往往皆射利於中國也
天子問公所以網理之者公以謂以國之小大裁其使
員授官之多少通其公獻而征其私貨可以息弊止煩
從之居南海四年未及召而得疾享年六十有四某年
某月某甲子葬于沙縣之龍山鄉崇仁里母夫人某氏
某縣君繼母夫人蕭氏某縣君夫人羅氏某縣君子五
人曰儼尚書比部員外郎曰侃福州古田縣尉曰佩衛
尉寺丞曰偉同學究出身曰儼殿中丞佩偉皆早世而
儼儼之進于朝累贈公吏部尚書公妻繼母行純篤其
進膳飲藥物必經手其執喪人恐其不勝哀也遺戒諸

子皆人之大節好振人之窮樂獎人之善所薦士後多
至大官宰相張士遜公所薦也公常以謂我之所以自
著者在行事故不必見於文章所以事上者不求人知
故其於謀議尤多而人罕得而知也噫其可謂自信特
立也已其銘曰

允淑陳公生知書學人就其華我居以樸盜驚西土公
在圍城陞有破亡公守不傾徃眎蛮荆其得孰窺亦來
受職若與為期翼翼蜀州士全純白茫茫楚野人復耕
緇原念累功進位南伯內治何為與人休息外治何為
賓柔荒國允淑陳公文武之特聲載于人實告于冊又
慰爾後刻銘墓石

刑部郎中張府君神道碑

府君諱保雍字粹之景德二年舉進士中甲科授山陰
主簿有能名提點刑獄皇用選上其狀拜大理評事監
尉氏酒榷年知三泉州故事得假五品服專達既至嘆
曰吾常所欽為此幾可試也縣以治聞就改守丞久之
通判齊州李丞相迪鎮永興拔府君自賢遂通判其軍
府李公去寇萊公代之詔易府君鳳翔萊公雅知其賢
因奏留之事有利害未嘗不爭听乃止璽書獎之遷殿
中丞錢思公惟演李三司士衡薦任佐益州避親嫌不
拜授鄆州遷大常博士尋換晉州今上即位以屯田員
外郎緋衣銀魚知漢州夜中四卒叩府告禁兵兩營變

佐吏駭輩入府府君徐出獨據四卒掠之起作証狀拘
兩營以安之至明鞠得乃實四卒與伍中謀幸獲已甲
捕兩營目自以為叛遂棄之市及謀者九人因奏言蜀
戍兵父合往往叛可因使臣去來番代之行之至今擢
拜都官遷朝莊獻太后面嘉之聯拜職方度支判官契
丹國信使荆湖北路轉運章服金紫有馮異以化黃金
于太后得奉職監鄂州稅知州歐陽穎事之曲恭武昌
置場中市民炭常時吏先署入抄文為足而實尚留民
家不入比潰發乃自取載之以為故穎暴又欲資異謀
便獲之坐盜死者十八人當論府君自荆南乘單舸六
日使人郵直之管守吏數人而已同時漢陽俚民販茶

得知軍略與京誣民忤巡檢應首死者二十人隨者百
餘人與京且甚穎人莫敢相曲直府君遂亂江往慮之
二十人者想何不死隨者皆貫漢陽距江為城濠至濶數
里歲調薪石發民完之工四千人兩縣以病府君身者
護作者工費半隄完至今遷祠部郎中滿歲更兩所轉
運使加刑部行部至婺刺得其守罪留治之未既疾作
遂不起明道二年九月五日也享年五十九歲以景祐
二年八月壬申葬汝南宣猷鄉之先生張氏世為顯姓
府君先居齊之禹城及考諸制官至庫部員外郎贈吏
部侍郎過蔡州樂之家焉府君娶彭城劉氏樞密直學
士師道之姪封本縣君子之察身博仕有治聲最少子

輔未仕府君之喪朝廷以察為鄂州推官府君甚愛考
城劉侍制劉亦厚結之子娶府君女慶曆三年彥博為
撫州司法為子言府君平生端重不怙燕間未嘗見其
辭容為治威嚴不摘細事為漢州民趙昌以畫名府君
迄代不問至劔門昌追獻書一幅曰前太守舉從昌取
又應朝貴人求汲汲昌以技嘗自苦德公不擾敢獻府
君嚮受之而歸之直其使吳越吳越匠巧天下不嘗致
一器一物蓋問其治已雖小者如此立稱其官次施設
狀如前而曰今史館脩撰王贊銘其德於壙中校書郎
王安石又序其詩惟所必顯章於墓道之左者其辭不
立懼無以昇四方人視所請予文張之於碑予不獲為曰

為天下之道本於得人公卿內 諸侯部使者外治其
體兩重也易知矣今常患材難不足布此位故不能推
其功惠及民豈世所謂賢矣固亦抑其求弗切耶蓋
宜放而登堂取而遺其施為繆然也如府君鍾材甚美
而進也得其時自守又使銷行既卓矣使極其設修可
勝言耶而止於斯其可嗟也已方今敵郡彫部相望如
府君其又可思也已則九察里之耆齒惡得不感其哀
耶

故朝散大夫尚書刑部郎中充天章閣待制兼侍

讀上輕車都尉賜紫金魚袋孫公行狀

曾祖恕皇任博州堂邑縣主簿贈太子中舍

祖賁皇任尚書庫部郎中

父發華皇贈尚書職方員外郎

公諱甫字之翰天聖五年同學究出身為秦州成陽縣主簿八年進士及第為華州觀察推官華州倉粟惡吏當負錢數百萬轉運使李鈇以吏屬公公令取斗粟吞之可棄者十總居一二又試之亦然吏遂得弛負錢數十萬而已鈇以此多公薦之遷大理寺丞知絳州襄城縣拒宥有學士杜公衍奏知永興軍司錄遷殿中丞拒密直學士袁公逸奏監益州交子務遷太常博士慶曆二年杜公為樞密副使又薦之得試為秘閣校理三年改右正言無諫院因災異言應天所以遠告之意者有在

誠其行有其誠矣所以順天者不在愛其民於是遂請斥浮費出宮女除別庫之私以塞兇賦歛初李元昊反河西契丹亦以兵近邊謀棄約任事者於西方益禁兵二十萬北方益土兵二十萬又益禁兵四十指揮及群盜張海郭邈山等劫京西江淮之間皆警是時已更用大臣矣又令天下益禁兵公言曰天下所以大困者在浮費而浮費之廣者兵為甚今不能損又何益之邪且兵已百萬矣不能止盜而但欲多兵豈可謂知先後哉不報於是極論古養兵多少之利害以聞詔詆大臣尤切既而保州有兵變朝廷賞先言者公以謂有先言者而樞密院不以時下不可以無責天子曰某吾方倚以治也

不可使去位公猶固請議其罰邊將劉滬謀立水洛城
與部署狄青尹洙議不合滬違其節度遂立之青等械
繫滬以聞公言曰城之所以蔽秦而通秦渭之援宜不
廢其功而赦滬之輒遂從公議燕王薨大臣謂用不足
欲緩葬公言曰燕王上之叔父葬不可以不如禮又言
後宮事又言宰相罪當罷皆行其言上既罷宰相而用
某為參知政事又言某不可任以政天子難之因求為
外官而是時朋黨之議亦已起大臣相次去位公上書
論爭語充切已而奉使契丹還迂右司諫知鄧州徙安
州又徙江南東路轉運使又徙兩浙迂起居舍人尚書
兵部員外郎改直史館知陝府簡厨傳之費陝人安之

鄰州歲時以酒相慶問公命儲別歲滿官用一不歸於
已至今遂為法徙晉州近臣過晉夜半叩城欲入公曰
城有法吾不得獨私終不為開門徙河東轉運使賜金
紫服入為三司度支副使輸物非土有者公為變其法
使之代輸至和三年遷刑部郎中入天章閣為待制遂
為河北都轉運使疾不行又兼侍讀嘉祐二年正月二
十一日卒於位公博學強記其氣溫其貌如不能自持
及與人言反覆經史上下千有餘年貫穿通洽不可窺
其際而退跡其家初未嘗蓄書蓋既讀之終身多不忘
也其居官於其大者既可知已於其小者亦皆盡其意
云雖貴而衣食薄無妾媵不飭玩好不與酣樂泊如也

時從當世處士講評以為遂其好而客或造其席者與
之言終日不能以勢利及也其於人少合亦不求其詳
所與之合亦不阿其意蓋公與河南尹洙相交善而尤
為杜丞相所知慶曆之間二三大臣又與同心任事然
至於論保州之變則所指者蓋杜公非益兵之議則所
詆者蓋二三大臣至於城水洛也又絀尹洙而申劉滬
其不偏於所好如此然已而朋黨之議起大臣多被逐
公之亟論尤切亦不自以為疑也噫可謂自信獨立矣
可以觀公之行也所著唐史記五十七篇以謂已之學
治亂得失之說具於此可以觀公之志也公歿有詔求
其書公享年六十其先開封扶溝人至公之祖徙許之

陽翟今為陽翟人母李氏長安人其妻某氏某縣人
子宜渭州觀察推官寔寔皆將佐監主簿宜等以狀表
屬筆謹序次其實可傳於後世者如右謹狀

元豐類彙卷之四十八

傳

徐復傳

徐復字希顏興化軍莆田人嘗舉進士不中去不復就
傳學於書無所不讀尤通星曆五行術數之說世罕有
能及者為人備儻有大志內自飭勵不求當世之譽樂
其所自得謂富貴不足慕也貧賤不足憂也故窮閭漏
屋敝衣糲食或至於不能自給未嘗動其意也遇人無
少長貴賤皆盡恭謹其言前世因革興壞是非之理人
少能及然其家未嘗畜書蓋其強記如此也康定中李
元昊叛詔求有文武材可用者叅知政事宋綬天章閣

待讀林瑀皆薦復詔賜裝錢州郡迫趣上道既至仁宗
見復於崇政殿訪以世務復所以為上言者世莫得聞
也仁宗因命講易乾坤既濟未濟又問今歲直何卦西
兵欲出如何復對歲直小過而太一守中宮兵宜內不
宜外仁宗善其言復又獻所為邊防策太一主客立成
曆洪範論上曰卿所獻書為卿留中必欲官之復固辭
廼官其子晞留復登國鼓院與林瑀同備周易會元紀
歲餘固求東歸仁宗高其行禮以束帛賜彌冲晦處士
後久遊吳因家杭州州牧每至必先加禮然復未嘗肯
至公門范仲淹知杭州數就復訪問甚禮重之仲淹嘗
書西吳既起復預言罷兵歲月又斗牛間嘗有星變復

言吳當大疫死者數十萬人後皆如其言復平居以周
易太玄授學者人或勸復著書復曰古聖賢書已具顧
學者不能求吾復何為以微名後世哉晚取其所為文
章盡焚之今其家有書十餘篇皆出於門人故舊之家
復卒時年七十餘既病故人王稷居睦州欲往省之復
報曰來以五六月之交尚及見子稷未及往至期復果
已死其終事皆預自處子晞年五十餘亦致仕官至國
子博士復贈尚書虞部員外郎復死十餘年而沈遘知
杭州勝其居曰高士坊云贊曰復之文章存者有慎齋
贊困蒙養等篇歸於退求諸已不矜世取寵余論次復
事頗采其意云若復自拔汙濁之中隱約於閭巷久而

不改其操可謂樂之者矣

洪澤傳

洪澤撫州臨川人為人和平與父游初不甚歡久而有味家貧以進士從鄉舉有能賦名初進於有司連輒出久之乃得官官不自馳騁又久不進卒監黃州麻城之茶場以死死不能歸葬亦不能返其孥里中人聞澤死無賢愚皆恨失之予少與澤相識而不深知其為人澤死迺聞有兄年七十餘澤得官而兄已老不可與俱行澤至官量口用俸撥其餘以歸買田百畝居其兄復去而之官則必安焉澤既死兄無子數使人至麻城撫其孥欲返之而居以其田其孥蓋弱力不能自致其兄益

已老矣無可奈何則念輒悲之其經營之猶不已忘其老也澤兄弟如此無愧矣澤平居若不可任以事及至赴人之急早夜不少懈其與人真有恩者也予觀古今豪傑士傳論人行義不列於史者往往務據奇以動俗亦或事高而不可為繼或伸一人之善而誣天下以不及雖歸之輔教警世然考之中庸或過矣如澤所存豈人人所易到故載之云



Handwritten text and markings in the right margin, including a vertical line and some illegible characters.

